

INUIT ATAQATIGIIT INATSIARTUNI



UKA2025/83

8. okt

Nivi Rosing

Kalaallit Nunaat tamakkerlugu nunaqarfiit
ineriartortinneqarnissaannut ukioq 2050-imut pilersaarummik
kingusinnerpaamik UKA 2027-mut suliaqarnissamut Naalakkersuisut
peqquneqarnissaannik Inatsisartut aalajangiiffigisassaattut
siunnersuut. Pilersaarummi sullissinernut tunngaviusunut,
attaveqaasersuutinut, inuussutissarsiornikkut periarfissanut
pitsaasunillu ineqarnissamut naligiimmik periarfissaqarnissaq
qitiutinneqassapput.

(Inatsisartunut ilaasortaq Kuno Fencker, Naleraq)

Oqaaseqaat.

Inuit Ataqtiginiit siunnersuummut qujavugut.

Nunaqarfiit nukittorsarnissaat ineriartornissaallu isumaqtigingaarpaput.

Aamma isumaqataavugut Nunaqarfinni najugaqarfinnut aammalu inuiaqtigini pingaarutilinnut sullissinermut soorlu peqqinnissamut ilinniagaqarnermullu Nunaqarfinmiut piumasaat pisariaqartitaallu Nunaqarfinmiut peqatigalugit nukittorsarneqassasut.

Minnerunngitsumik tunngaviusumik naleqartitaraaput piffiit sumiiffiillu Nunatsinniittut tamarmik peqatigalugit Nunarput siuarsassagipput.

Inuit Ataqtigini maluginiarparput siunnersuummi Nuna tamakkerlugu pilersarusiornermut nalunaarusiaq 2023-mi Naalakkersuisunit saqqummiunneqartoq eqqaaneqanngitsoq.

INUIT ATAQATIGIIT INATSIARTUNI



Inuit ataqatigiinni pingaartipparput pilersarusiat suliallu aallartereersut naammassilluarnissaat. Tassanimi Nuna tamakkerlugu pilersaarutaagami, Nunaqarfiit soorunami tassani ilaatinneqarput.

Isumaaluutigaarput nutaamik pilersarusiortoqarpat, pilersaarutit pioreersut kinguarsarneqassasut naammassilluanngitsoorlutillu.

Pilersaarutit aamma imminnut aporsinnaagamik tamarmik suliarinissaat kinguarsinnaallutik. Suliat marlut ingerlanneqalersillugit suliat imminnut ataqatigiikkunnaarsinnaasarlutik.

Minnerunngitsumik Inuit Ataqatigiinni pingaartipparput Nunaqarfiit peqatigalugit Nuna tamakkerlug pilersarusiami piviusunngortitsinissaq. Uagut ineriartorneq pillugu qulaaniit aaliangersuineq tapersinngilarput. Pingaartipparput Nunaqarfiit pineqaraangamik Nunaqarfinneersut tamatigut peqataatinneqarnissaat. Matumanilu kommunit tassaapput sumiiffinni ineriartortitsinissamut pilersaaruteqartartuusut, taakkua qulangernagit ineriartorneq ingerlanneqassasoq isumaqarpugut.

Nunaqarfiit kultooritsinnik pisuujupput, eqqaamaqqunaqaaq Nunap Inoqqaavi pisinnaatitaaffigigaat kulturi inooriaaserlu inerisaanermi innarlinnginnissaanut pisinnaatitaaffeqaratta. Taamaattumik Inuit Ataqatigiinni isumaqarpugut Nunaqarfimmiut kommunilu suleqatigalugit Nuna tamakkerluguineriartortoqassasoq.

Taamak oqaaseqarluta allannguutissatut siunnersuutigaarput imaattoq saqqummiupparput.

Kalaallit Nunaat tamakkerlugu nunaqarfiit ataqatigiissaakkamik ineriartortinneqarnissaat siunertaralugu Naalakkersuisut KANUNUPE kommunillu tamaasa peqatigalugit suliamik aallarnisaaqqullugit Naalakkersuisut peqquneqarnissaannik Inatsisartut

INUIT ATAQATIGIIT INATSIARTUNI



aalajangiiffigisassaattut siunnersuut. Suliamik aallartitsinermi
sullissinernut tunngaviusunut, attaveqaasersuutitut,
inuussutissarsiornikkut periarfissanut pitsaasunillu ineqarnissamut
naligiimmik periarfissaqarnissaq qitiutinneqassapput.